


故光般若波羅蜜經

卷八

六十三  
芥八

47415



元祿九年丙子二月日重脩

皇圖聖固 帝德昭著

佛日增輝 慧輪常轉

山城州天安寺法金剛院置



放光般若波羅蜜經卷第二十八

芥

西晉三藏無羅叉共竺叔蘭譯

無形品第八十一

須菩提白佛言世尊若菩薩摩訶薩於六波羅蜜三十七品佛十種力四無所畏四無礙慧佛十八法行十八空不具足菩薩道不成

阿耨多羅三耶三菩者云何菩薩摩訶薩得阿耨多羅三耶三菩佛告須菩提菩薩學般若波羅蜜以遍起拘舍羅行檀波羅蜜亦不見所施物亦不自見亦不見受者亦不離是法亦不見是法作是行者便照明於菩薩道以是故須菩提菩薩行般若波羅蜜遍起拘

舍羅故逮覺阿耨多羅三耶三菩菩薩行五  
波羅蜜乃至佛十八法亦復如是舍利弗白  
佛言世尊菩薩行般若波羅蜜云何習般若  
波羅蜜佛告舍利弗菩薩行般若波羅蜜以  
遍起拘舍羅亦不習五陰亦不不習何以故  
五陰無形無有可習無不可習六波羅蜜亦  
不習亦不不習何以故六波羅蜜無有形故  
乃至十八法亦不習亦不不習何以故十八  
法空無形故舍利弗言世尊諸法無所有亦  
無形像不可得見亦無習與不習云何入般  
若波羅蜜中學菩薩不學般若波羅蜜亦不  
得阿耨多羅三耶三菩佛言如汝所說菩薩

不學般若波羅蜜者不得阿耨多羅三耶三  
菩以漚沍拘舍羅不離漚沍拘舍羅菩薩行  
般若波羅蜜諸法無所有是故菩薩亦無所  
取六波羅蜜亦無所有五陰亦無所有乃至十  
八法亦不可見當取何等是故菩薩亦無所  
取舍利佛般若波羅蜜亦不可護持乃至佛  
十八法亦不可護持是般若波羅蜜則為不  
可護持舍利弗如是學者於學亦無所見何  
況般若波羅蜜何況菩薩何況佛法聲聞辟  
支佛法何況凡夫法何故舍利弗諸法無  
有形故於無所有法中何所是凡夫愚人法  
何所是聲聞辟支佛法何所是三耶三佛法

舍利弗白佛言世尊三乘及凡夫法尚不可見誰當說言凡愚人法是三乘法是無形之法何因是凡愚人法是三乘法佛告舍利弗凡愚人所入五陰有形有處有實不舍利弗言不也世尊是者則為顛倒佛言凡愚人所入佛道為有形有處有實不舍利弗言不也世尊但顛倒耳是故舍利弗菩薩行般若波羅蜜漚惛拘舍羅見諸法無所形便發阿耨多羅三耶三菩舍利弗言世尊何等為菩薩漚惛拘舍羅見諸法無有形發阿耨多羅三耶三菩佛告舍利弗菩薩行般若波羅蜜亦不見諸法有形可作礙者不見有礙當可厭

者亦不見有懈怠者佛告舍利弗言以無有  
形無有壽命以所有皆無所有諸法性相空  
以衆生蒙冥入於五陰十二衰菩薩見諸法  
所有皆無所有行般若波羅蜜自立如幻師  
為衆生說法有貪嫉者為說布施福有惡行  
者為說持戒福有恚怒者為說忍辱福有懈  
怠者為說精進福亂意者為說一心福愚癡  
者為說智慧福建立衆生於六波羅蜜已轉  
為說賢聖上尊之法使得三乘之道舍利弗  
白佛言世尊為有菩薩耶而言菩薩為空無  
衆生說六波羅蜜事令逮得三乘之道佛告  
舍利弗言菩薩行般若波羅蜜於諸法無所

得何以故菩薩行般若波羅蜜亦不見衆生  
亦不見其處但以道數故菩薩摩訶薩於二  
諦爲衆生說法舍利弗不以二諦故得衆生  
及其處也菩薩行般若波羅蜜但以遍愁拘  
舍羅爲衆生說法衆生現在尚不自見何況  
有得道已行方當得者是故舍利弗菩薩行  
般若波羅蜜以遍愁拘舍羅爲衆生說法舍  
利弗白佛言世尊菩薩者是天上天下之大  
士於法中亦不見一字亦不見若干亦不見  
差別作是比要誓亦不於三界現亦不於有  
爲無爲性現而度三界衆生亦不見衆生亦  
無有衆生相衆生亦不縛亦不解脫亦不著



亦不斷五趣各異亦無有合亦不見壞亦不  
有淨亦不有垢何況當有所受五道之趣也  
告舍利弗言如是如是舍利弗如汝所言假  
令本有衆生令無有者菩薩及佛便當有各  
假令本無五道生死之趣令有亦是如來菩  
薩各有佛無佛生死法常住如及尔亦常住  
如故於中亦無衆生亦無吾我亦無壽命亦  
無知見之事何況當有五趣是法亦無端緒  
何況有五趣生死而度脫衆生舍利弗菩薩  
從過去佛所聞諸法相空故發阿耨多羅三  
耶三菩亦不言我於法中有所得假令有所  
得衆生所入顛倒處亦不能度脫是故菩薩

作大要誓言以要誓言故阿耨多羅三耶三喜終  
不轉還會當成阿惟三佛以法祐利衆生令  
從顛倒得脫譬如幻師化作數千億万人以  
若干百種味食皆食若干化人令飽滿令飽  
滿已大歡喜言我今日所作福廣大於舍利  
弗意云可頗有得飽滿者不舍利弗言不也

世尊佛言舍利弗菩薩亦如是從初發意以  
來行六波羅蜜四禪四等四空定行三十七  
品法行十八空三脫門八惟無九次第禪行  
佛十種力四無所畏四無礙慧至佛十八法  
具足菩薩道以淨佛土教授衆生而不見去  
可得降化者須菩提白佛言何等爲菩薩

訶薩道可教授衆生淨佛國土者佛告須  
提菩薩從初發意以來行六波羅蜜乃至佛  
十八法教授衆生淨佛國土須菩提白佛言  
何等爲菩薩行檀波羅蜜教授衆生佛報言  
菩薩行般若波羅蜜自布施教人布施言善  
男子當習布施可得大富可得離生死苦莫  
著所施莫著施者及其受者是三法性空空  
法亦不受亦不不受無受性空佛言是爲菩  
薩行檀波羅蜜施與衆生亦不見所施物亦  
不自見亦不見受者檀波羅蜜者是無所倚  
度也持是三無所見法建立衆生於三乘是  
爲菩薩摩訶薩行檀波羅蜜教授衆生自

布施勸助人今布施見人布施讚嘆代其  
喜菩薩作如是施者得生四大姓家得爲遮  
迦越羅便以四事攝取衆生一者惠施二者  
行愛三者利人四者同義是爲四事以是四  
恩布施建立衆生於尸波羅蜜及禪波羅蜜  
建立四禪四等四空定建立三十七品三脫  
門勸助令求三乘道教人言善男子當逮覺  
阿耨多羅三耶三菩衆生所繫顛倒法中無  
所有當自脫於顛倒轉復教人離於此縛當  
自受祐利亦當祐利餘衆生佛語須菩提菩  
薩當作是行檀波羅蜜作是行者從初發意  
已來不墮惡趣所在常得遮迦越羅福何

故隨其所施而受果報有從聖王所求索  
聖王念言我所以求作轉輪王者但爲衆生  
故語求者言我所有者盡汝所有所有福祐皆  
施衆生常持大悲饒益衆生亦不見衆生作  
以俗數有衆生名号之事譬如響也須菩提  
菩薩行檀波羅蜜肌肉尚不愛惜何況外物  
但欲度脫衆生生死何等外事六波羅蜜是  
乃至十八法奉行是已度脫衆生復次須菩  
提菩薩住於檀波羅蜜布施衆生勸令持戒  
汝持戒者我使汝無所乏隨汝所欲當給足  
之人但以財故專行犯戒汝持戒者我斷汝  
貪以戒因緣三乘之法度汝脫苦復次須菩

提菩薩任於檀波羅蜜若見衆生瞋恚爭者  
菩薩問言善男子汝何爲爭汝等若欲有所  
得者金銀寶物從我取之莫得共爭菩薩於  
檀建立衆生行羸波羅蜜語衆生言汝等共  
爭空無有實皆無有本莫得爭空而相賊害  
以成怨結莫以空無之事墮三惡業起怨恚  
者尚不得復人身況值佛世人身難得佛世  
難值莫捨佛世而墮無極之罪菩薩行忍勸  
人令忍見行忍者讚歎歡喜建立衆生行羸  
波羅蜜以三乘之法而度脫之須菩提菩薩  
任施勸立衆生行羸波羅蜜如是何謂菩薩  
住檀波羅蜜勸令衆生行惟逮波羅蜜佛言

菩薩見衆生懈怠菩薩問言汝何以懈怠衆  
生報言以無所因故懈怠菩薩任檀波羅蜜  
語衆生言善男子有所乏短我當給汝汝當  
精進我以布施持戒忍辱與汝作因緣衆生  
聞是便以身口意行精進便具足諸善法便  
得賢聖無漏之意隨其善法以三乘法令得  
解脫須菩提是爲菩薩任於施與勸助衆生  
行惟逮波羅蜜如是何謂菩薩住於檀波羅  
蜜建立衆生行檀波羅蜜菩薩語衆生言汝  
等何以不學禪法衆生言我等無因不能學  
禪菩薩報言我當與汝共作因緣令汝念斷  
菩薩便與衆生作無念因緣令其念斷便得

四禪四等念三十七品以三乘法而度脫之  
至阿耨多羅三耶三佛不耗於道事須菩提  
是為菩薩任於施與勸立衆生行禪波羅蜜  
如是何謂菩薩住檀波羅蜜勸令衆生行般  
若波羅蜜菩薩語衆生言何以不念般若波  
羅蜜衆生報言無所因由菩薩復言我為汝  
等作御汝等布施持戒忍辱精進行禪令汝  
等具足是事菩薩念言頗復有法可得入者  
不衆生吾我及壽命者及識三界為可得入  
不六波羅蜜三十七品為可得入不須陀洹  
至羅漢辟支佛及佛為可得入不菩薩於般  
若波羅蜜中任不見諸法有可得者有可入



者可得處者得無所入已不見法有生有滅  
有著有斷雖無所見亦不分別亦不言是天  
是人是三惡趣亦不言是戒無戒亦不言是  
須陀洹斯陀含阿那含是阿羅漢辟支佛亦  
不言是如來無所著等正覺須菩提是為菩  
薩任於施與勸立衆生令行般若若波羅蜜何  
謂菩薩任於六波羅蜜勸立衆生令行三十  
七品菩薩以方便攝取衆生令行四意止四  
意斷四神足五根五力七覺意八賢聖品道  
有受是者便脫於生死須菩提以是賢聖之  
法攝取衆生復次須菩提菩薩勸恤衆生言  
諸賢者我長夜布施今受其福我所有者皆

是諸賢所有欲得金銀七寶衣被財穀有所  
欲者我當相給足是所有可得長夜安隱汝  
等當住六波羅蜜并勸餘人令住六度汝等  
當建立衆生令行三十七品佛十種力及十  
八法當復轉教一切衆生三乘之道無漏之  
法須菩提是為菩薩住般若波羅蜜當作是  
教化衆生今度三惡趣及生死難復次須菩  
提菩薩住於尸波羅蜜教化衆生言汝等住  
於犯戒之地當為汝作淨戒因緣便行布施  
隨其方便而誘進之勸令衆生普行十善持  
是十善住於無瑕不犯賢聖之戒漸以三乘  
而得盡苦尸波羅蜜為首如檀波羅蜜說餘

四波羅蜜亦如是

放光般若波羅蜜經建立品第八十二

尔時須菩提意念言菩薩摩訶薩住於何道  
能作無畏堅誓佛尔時知須菩提所念便告  
言六波羅蜜是菩薩摩訶薩道三十七品及  
十八空八惟無九次第禪佛十忍佛十八法  
須菩提是諸法是菩薩道於意云何頗有法  
菩薩所不學者不若不盡學諸法者不成薩  
云若須菩提白佛言世尊諸法皆空云何菩  
薩當盡學諸法亦無所有云何作念言是道  
是俗是漏無漏是有為是無為是凡愚人法  
是聲聞辟支佛法云何是佛法佛告須菩提

如是如是諸法實空假令諸法不空菩薩終  
不逮覺阿耨多羅三耶三菩以諸法空故菩  
薩逮覺阿耨多羅三耶三菩佛告須菩提去  
何作是問假令諸法空者菩薩去何作念是  
道法是俗法於須菩提意去何若衆生知一  
切諸法皆空菩薩不逮覺阿耨多羅三耶三  
菩以衆生不知一切諸法皆空故菩薩逮覺阿  
耨多羅三耶三菩菩薩為諸法作處為衆生  
說法須菩提菩薩之道當作是觀言  
諸法不可但尔空得皆當遊行觀諸法之所  
有亦不有所入亦不入六波羅蜜亦不入三  
十七品亦不入三乘法何以故諸法所有各

自空故空亦不入空空尚不可得何況入空  
者是故菩薩於諸法無所入住於學法以觀  
衆生作無端緒事菩薩念言衆生雖作無端  
緒事易度耳以漚沍拘舍羅住於般若波羅  
蜜而度脫之語衆生言行布施者可得饒財  
亦莫於財貢高財無堅固建立衆生於戒忍  
精進一心智慧皆悉如是雖住三乘者亦莫  
貢高亦無堅固菩薩作是勸助已雖行菩薩  
道亦無所入何以故諸法無所有故諸法無  
有可入處菩薩之道無有住處行六波羅蜜  
亦無所住行四禪亦無有所住何以故禪者  
各自空行禪者亦空禪事亦空四等四空定

八惟無九次第禪亦無所住得聲聞法亦不  
於中住何以故不住答言以二事不住何等  
二事答言道無有住處亦無能住於道者亦  
不歡喜言我當得須陀洹不於中住我當得  
阿羅漢辟支佛亦不於中住我當逮覺阿耨  
多羅三耶三菩何以故我從發意以來初不  
尚餘道志常在阿耨多羅三耶三菩何以故  
菩薩發意已來至于十住亦不在餘道但志  
阿耨多羅三耶三菩須菩提菩薩身口意但  
志于道菩薩住於道不生因緣須菩提白佛  
言世尊若諸法適無所生云何菩薩得生道  
意佛言如是如是諸法無所生諸有無所作

者便於諸法無所生。須菩提言：世尊，有佛無  
佛法，不常住耶？佛言：如是有佛，無佛法，性常  
住。以衆生不知法性常住，是故菩薩生道。因  
緣欲度脫之，須菩提言：世尊，以生道意，故得  
道耶？佛言：不也。不生道意，得耶？佛言：不也。亦  
從不生，不滅得耶？佛言：不也。若不尔者，以何  
因緣得道？言：道亦不從度，亦不從不度。須菩  
提道：則是度。度則是道。須菩提言：若道則是  
度，度則是道者，菩薩為已逮道，為已得度。云  
何言是如來三十二相八十種好十種力四  
無所畏四無礙慧四等四空定佛十八法佛  
告須菩提於意云：何佛為逮道耶？言：不也。世

尊佛則是道道則是佛須菩提去何作是言  
菩薩為逮道菩薩具足六波羅蜜具足三十  
七品以具足十力四無所畏四無礙慧四禪  
四等具足十八法於金剛三昧一相之智逮  
得阿耨多羅三耶三菩以是次第故名為如  
來於諸法得自在須菩提白佛言世尊菩薩  
去何能淨佛土佛言菩薩從初發意已來常  
淨身口意并化餘人淨身口意須菩提言世  
尊何等為菩薩身行惡口言惡意念惡佛言  
菩薩身口意犯十惡嫉妬犯戒瞋恚亂意懈  
怠惡智須菩提是為菩薩意念惡戒不淨是  
亦為惡離三十七品離三脫門是亦為惡近



須陀洹道至辟支佛是亦為惡是為菩薩之  
惡行復次須菩提菩薩有五陰十不表相是  
亦為惡有男子女人之相有三界相有善惡  
相有有為無為之相是為菩薩身口意惡是  
故菩薩捨衆惡已自行六波羅蜜亦勸進人  
使行六度持是功德與衆生共求佛國爭自  
持三千大千國土其中七寶施與三尊作誓  
願言令我國土其中所有盡是七寶復次須  
菩提菩薩以持伎樂樂佛世尊及精舍講堂  
復誓願言令我佛國常聞天樂須菩提菩薩  
以三千大千刹土所有衆香施於三尊復誓  
願言使我佛土常有天香復次須菩提菩薩

持百味之食供養如來及弟子衆復誓願言  
我作佛時諸弟子衆飲食自然百味之飯復  
次須菩提菩薩以塗身之香施佛及衆復誓  
願言我作佛時使我國人身體細滑香潔皆  
如天身復次須菩提菩薩諸世所有五樂善  
願施佛及衆復誓願言我作佛時令我國土  
一切衆生隨意所願五樂善願皆令得之復次  
須菩提菩薩行般若波羅蜜復誓願言自行  
四禪四等及四空淨勸助衆生令行四禪四  
等及四空淨自行三十七品復勸衆生普令  
行之復誓願言我作佛時我國衆生皆悉不  
離四禪及四空定三十七品須菩提是爲菩

薩能淨佛土菩薩行道滿足諸願諸願不具  
終不止行自具足諸善法亦復滿足衆生善  
願作是勸教行者身得百福功德之相諸受  
教者亦復如是是故菩薩淨佛國土何等爲  
淨亦無三趣處無有邪見無婬怒癡無有二  
地之名無有無常無有我苦空無有家業亦無  
吾我無有徇便處無有果報處但聞空無相  
無願之聲所聞內外音聲譬如風過所出音  
聲如諸法之相有佛無佛諸法常空空者無  
相無有相者亦無有願所出音聲其教如是  
晝夜卧覺若坐若行常聞是音聲成阿耨多  
羅三耶三菩時其剎如是十方諸佛稱歎其

佛功德名字一切衆生聞佛名者必至阿耨  
多羅三耶三菩尔時如來普說法時其有聞  
者無有狐疑是法非法所以者何諸法之法  
無有非法皆是正法諸無德者亦不於佛及  
弟子衆不種善本又亦不與真知識會便作  
吾我見有吾我已便入於六十二見人者見  
已便住邊際住邊際已便著有常著有常曰  
便著既盡於不平等有等覺想於平等覺更  
無覺想法言非法非法言法便誹謗法誹謗  
法已便壞人身墜其惡趣墮泥犁中菩薩諸  
佛得成阿耨多羅三耶三菩已乃度脫之得  
度脫已甫當建立三乘法不復墮惡趣須菩

提是則為菩薩摩訶薩淨佛國土淨佛土  
切衆生亦無是法亦無非法有漏無漏有為  
無為必至阿耨多羅三耶三菩

放光般若波羅蜜經畢竟品第八十三

於是須菩提白佛言世尊云何菩薩摩訶薩  
為畢竟耶為不畢竟佛報言菩薩摩訶薩

畢竟不為不畢竟世尊為畢竟何乘報言

畢竟於二乘畢竟於佛乘世尊畢竟佛乘者

是初發意菩薩耶是十住菩薩耶佛報言初

發意菩薩亦畢竟阿惟越致亦畢竟十住菩

薩亦畢竟須菩提言世尊畢竟菩薩趣惡趣

不佛言不也於須菩提意云何四雙八輩至

辟支佛為生惡趣不對曰不也佛言菩薩初  
發意行六波羅蜜諸惡則滅若生惡趣是事  
不然亦不生長壽夭亦不生邊地無佛法處  
不生邪見家若生彼處是亦不然終不生無  
道見家須菩提新學菩薩發阿耨多羅三耶  
三菩提者終不復犯十惡之事須菩提言  
尊若有菩薩能於一法便為具足不墮  
云何也尊自說宿命所可經歷或墮鹿中墮  
獼猴中馬中象中亦遭勤苦是事云何佛告  
須菩提菩薩不作惡行自生惡趣隨眾生生方  
便而受其身欲祐利眾生成佛問須菩提聲  
聞辟支佛頗有是過想拘舍羅人畜生中麋

脫衆生還爲所害其意不起以大慈大悲續  
度如故汝諸聲聞頗有是不以是故當知菩  
薩具足大慈以遍愍拘舍羅入畜生中救護  
衆生成阿耨多羅三耶三菩須菩提白佛言  
世尊菩薩住何等善本功德法能得是輩隨  
意形像佛報言於諸功德法皆當具足成就  
尔乃成阿耨多羅三耶三菩從初發意至坐  
道場無有善法不具足者成阿惟三佛菩薩  
發意當學具足諸善功德作是學已當建薩  
云若盡諸習緒須菩提言世尊菩薩具足善  
法盡得賢聖無漏之法而生惡趣至畜生道  
耶佛問須菩提如來者爲是賢聖無漏法不

須菩提言是也佛言如來為自化作畜生像  
而作佛事耶亦世尊如來者化作畜生像而  
作佛事佛言如是如來為是畜生受畜生苦  
耶言不也世尊不受諸苦佛言菩薩以受賢  
聖無漏之法善權變形教化衆生如阿羅漢  
能變化作羅漢事令衆生歡喜不須菩提言  
世尊能示佛告須菩提菩薩已受具足賢聖  
無漏之法隨衆生意而受其形為衆生作福  
田亦不受形苦佛語須菩提譬如幻師或現  
象馬若干變化於意去何是象是馬不言不  
也世尊非為馬也菩薩如是以遍愍拘舍羅  
祐利衆生隨類而入而教化之以是故不復



受衆苦之惱。須菩提白佛言。世尊。菩薩摩訶  
薩者。善於大方便。所以者何。謂菩薩具足賢  
聖。無漏之慧。所在所在。隨其習俗形貌之法。  
安立衆生。而爲作本。世尊。菩薩任何善法。乃  
能作是善權。方便不與同趣。佛言。菩薩任於  
般若波羅蜜者。能作是漚。想拘舍羅。持是方  
便。爲十方恒邊沙衆生。作本。而不與同歸。何以  
故。亦不見法。有能近者。亦無有法。而汚染者。  
何以故。諸法所有。皆空。故是故。空不汙染。空  
空。亦不汙。人人亦不汙。空何以故。空空不可  
得。是故。無所得。空。菩薩任於無所得。空。成阿  
惟三佛。須菩提言。世尊。菩薩但任般若波羅

蜜不復任餘法耶。佛告：須菩提，諸法頗有不入般若波羅蜜者，不須菩提言：世尊，世尊，自說般若波羅蜜，空無所有。云何諸法入般若波羅蜜中？世尊：空亦無所入，亦不入。佛報言：云何諸法不入諸法空耶？須菩提言：世尊，實空若諸法空者，諸法亦不入空。須菩提言：菩薩行般若波羅蜜，云何任於空？具足神通之慧，以神通慧過東方恒邊沙刹土，見諸如來，植衆善本，聽受法教。佛報言：菩薩行般若波羅蜜，見恒邊沙諸佛，皆空。但以名号示現其處。諸假名号之處，皆空。若諸刹土諸佛不空者，空爲有偏，以空不偏。故諸法皆空。是故菩

薩行般若波羅蜜以遍想拘舍羅具足神通  
便得天眼天耳神足知他人意自知所從來  
生死之事菩薩不得神通者不成阿耨多羅  
三耶三菩是故般若波羅蜜是菩薩摩訶薩  
之道當作是求道以道天眼自見諸善之法  
并見餘人任於善法亦不入善法何以故諸

法皆空空無所入亦無有入空者亦無樂空  
者空亦無所樂是故菩薩行般若波羅蜜以  
得天眼見諸法空若無是法亦不能作佛事  
為衆生說法亦不得衆生之處以應無所得  
便得神通所應作者便能作之菩薩天眼見  
諸十方飛到諸刹祐利衆生或以六度或以

三十七品或以諸禪惟無或以空定或以聲聞辟支佛法或以菩薩法或以三耶三佛法為貪嫉者說施之德說貧苦之法貧者世間之苦尚不能自饒益身何能益餘是故賢者當念惠施既自安隱復安餘人莫以貧故轉相食取而不能得離三惡趣為犯惡者說戒法言為惡者苦身自陷惡何能安餘犯惡之報不離三苦汝等自墮三惡趣中那能拔餘是故仁者不當恣意莫隨惡趣後自燒身若見衆生有瞋恚意相賊害者為說法言汝等莫爭莫隨恚意入三惡趣為懈怠者說精進法為亂意者說禪定事為惡智者說智慧法

姪者為說欲之不淨有邪見者指示正道  
令任三乘為說法言諸仁者所入者皆無  
所有空無之法亦不可入空無所入須菩  
提菩薩行般若波羅蜜任於神通為衆生  
作善本菩薩不任神通不能為衆生說法  
譬如衆鳥無有翅者不能高翔菩薩如是不  
任神通者亦不能為衆生說法是故菩薩行  
般若波羅蜜當學神通已得神通便能祐利  
一切衆生以天眼見恒沙國土盡見衆生悉  
知其意隨高下應而為說法或說六波羅蜜  
或說泥洹法菩薩天耳聞一一音聲又聞東  
方恒邊沙佛所說教法廣為衆生說如所聞

隨意爲說或說六度或說涘洄以清淨意知  
衆生念自知本末所從來生及他人事以是  
通慧意識過去諸佛如來弟子名号皆悉識  
知又知衆生宿命所行而爲說法或說六度  
或說涘洄復能飛到恒邊沙刹土往見諸佛  
植諸善本復還本土淨漏盡之慧復以是慧  
爲衆生說法或說六度或說涘洄須菩提菩  
薩行般若波羅蜜當知神通如是得淨神通  
已隨意所欲能變其形三界苦樂不能汙染  
譬如佛所化人在所能辨無有苦樂須菩提  
菩薩摩訶薩行般若波羅蜜遊戲神通淨佛  
刹土教化衆生不具神通不能教化淨佛國

土菩薩不淨佛國教化衆生者終不成阿耨  
多羅三耶三菩菩薩支節不具足者便無有  
道須菩提白佛言世尊何等爲菩薩支節具  
足而成阿耨多羅三耶三菩佛報言諸所善  
法足菩薩支節何等善法是菩薩支節報言  
從發菩提心以來行檀波羅蜜中諸善法不曉施  
爲不能分別於中生念是者可與是不可與  
分別及念皆空無有持是具足波羅蜜自度  
彼岸復度他人度脫衆生於生死是爲菩薩  
阿耨多羅三耶三菩善法支節過去當來今  
現在菩薩從是得度亦復持是度脫衆生六  
波羅蜜亦復如是四禪四等及四上定三十

七品十八諸空八惟無九次第禪陀隣尼門  
四無礙慧佛十八法是諸善法者菩薩道之  
徑路具足是已便建薩云若建薩云然已便  
轉法輪

放光

皮羅蜜經卷第二十八

芥

要誓

邊上音

勸恤

下思律反

正誘

音酉

樂樂

上音

岳下音

卧覺

下音

誹謗

上芳尾反

又

樂空

上音

亦下文

所樂

放光般若經卷第二十八

芥



